



13972

kal komp

III

Mag. St. Dr.

P


Carminibus

*Lukini Ioan. Antonii: Fatales arctici
sideris occasus —*

PANEG. et VITAE

Fol. Fol.

Nr. 15.



MAY 1881
NEW YORK

FATALIS
ARCTOI SIDERIS
OCCASUS.

In Dolentissimo Obitu,

Perillustri olim, Clarissimi, & Admodum Rūdi Domini,

D.M. RAPHAELIS
CASIMIRI
ARTENSKI,

Sacræ Theologiæ Doctoris ac Professoris,
Collegæ Majoris, Ecclesiarum, Collegiæ S. FLO-
RIANI ad Cracoviam Canonici, Parochialis Pajecz-
nensis Curati, Contubernij Gelanij Provisoris;

DUM EIDEM

Per Ordines Academicos,
In Ecclesia Collegiata S. ANNÆ,
Ultimum redderetur

V A L E:
A



M. JOANNE ANTONIO LUKINI,

In Alma Universitate Cracoviensi,

Philosophiæ Doctore & Professore,

13972. III.

DEMONSTRATUS.

Anno Domini 1699. Die 8. Julij.

CRACOVIAE, Typis Universitatis.

FATALIS

ARCTOI SIDERIS

OCCASUS.



Rētam humanæ vitæ periodum,

fatales Siderum Occasus si terminant,
funestum mortalibus diem dicunt.

Dira hæc fatorum & incognita vis,
aggestis sæpè cladibus,

in ipsa auge luminis & spei publicæ,
novas inferias animorum litat;

& cū nascendi viam auspice Cælo aperit,
moriendi mille figuras,

ad ipsa Orbis hilaria relinquit.

Sic Meridiem sæpè terris vmbri nubila obfuscant,

& in ipso Apogæo honoris,

spes multorum tragico parentatur exitu.

Etenim *ludit in humanis Divina potentia rebus,*

dum alternas infandi doloris renovare vices,

& ferales ad læta pacis fœdera ingeminare Næcias, jubet.

Sic olim Romanos Orbis Dominos,

cum sonitu volitantis per æera famæ,

Cælo locaverit ipso;

mox gravi ruina lapsuros,

bustum vocat Berecynthiæ Matris.

Magnum antea Trojani Exercitûs Herôem,

alto sanguine satum Evandrum,

insigni robore mentis, ipsis parem superis,

sub Preneste, Regis Herili

(*nascenti cui, tres animas Feronia Mater, dederat*)

Victorem, quid iuvat adducere?

dum fatorum impulsu, Hesperijs immersus vndis,

solo immobilis iacet.

Illud deniq; Troiæ (mirabile visu) tot labentibus annis,

extructum Divinum opus;

cuius

cuius supremum audire laborem, animus meminisse horret,

nunc fatis agitatum iniquis,

nec locus est, in quo Troia fuit.

O iustum Priami cordolium?

qui casu concussus acerbo, Hecubam miser lachrymis rigat.

O immedicabile afflicti pectoris vulnus?

quando celerem, in luco Simoëntis ad yndam,

libat tristia Adromache dona, Hectoreo cineri,

manesq; vocat hostilem ad tumulum.

Ergone, tantæ animis Cælestibus iræ?

ut Parcis minime parcentibus, omnia ultimum repetant chæos

Ergone tam crudelis inclementia fati?

ut spiramenta anima, lethali vulnere rumpat.

Ast dedit tandem his DEVS finem,

in Te visendum

Perillustis olim, Clarissime & Admodum Reverende Domine,

D. M. RAPHAEL CASIMIRE

ARTENSKI,

S. Theologiæ Doctor ac Professor, Collega Major,

ad S. FLORIANUM Canonice, Parochialis Paiecznensis Curate,

Contubernij Gelanij Provisor,

Cuius Virtutem, in summis semper laboribus Academicis

Literatus Septemtrio vidit,

ceu Clarissimum Sidus ab Arcto.

Sic Præstite Viatorum Ductore

cessisti quidem in via fatis, æternum in Patria victurus,

elusisti falcata mortis potentiam,

quia ultimum sine fine attigisti finem.

O felix benè morientis casus!

quo, ut benè vivamus & benè agamus, edocemur.

Hinc verè doctum

monstravit Te, teneris ab annis, indoles egregia,

Patrio non contenta solo, quæ alienis nata sit terris.

Et vix

primis labris, de fontibus Craciæ Palladis Castalijs

libavit Sapientiam;

mox geminâ, doctarum Præmiatrix frontium

Alma Mater

Apollinari cinxit tempora Lauru.

Decoratus tandem Laureis Philosophicis;
eò magis, ipsum veræ sapientiæ fontem coronat,
quò alacrius in statione Philosophica,
assiduus insistit laboribus.

Quos non diu, in publicis passa Lycæis

Iagellonica Pallas:

Summis enim negatum stare diu viris;
statim Collegio adiunxit Novoduorisciano,
vt Virtus vnita fortior, altius surgere valeat.

Omni procul dubio,

votis annuentibus, fors non alia risit:

dum alto demissa Olympo, & terrigenis dono superùm collata,
Cælestem in terris Professore, fecit Divina Matthesis.

Iamq; Augustus ex vtroq; Cæsar,
vnanimi Senatûs Philosophici assensu,

Togato: quia pacis Amator, ornatus Paludamento,

Domum ingressus minorem.

intra cuius limites, minoribus tamen non circumscriptus laboribus,
plus yltra petisse visus.

Vt potè

Dignissimus Artistarum Coriphæus,

Vigilantissimus Cursûs Vladislauiani Stadiodromus,
ex ipso cognomine, arte & sapientiâ clarus.

Eminus posthac

Vastum Scyllarum Stagiryticarum Oceanum
in Minori Philosophantium sublellio,

ad Promontorium bonæ spei, votorumq; Insulam
ventis impleuit vela secundis.

Quem stantem in littore,

humanior Maiorum excepit portus.

At in fortunata Collegij Iagelloniani meta,
metam non attigit laborum ultimam,

quando spontè & liberè Tylicianæ Professionem Eloquentiæ subiit.

Cuius dignitas eò splendidior, quò multiplici decorata scripto.

Liquo nunc alia: nam tempus vetat?

unius meminisse iuvat, meritiq; triumphæ
ipso Coronationis Festo,
SERENISSIMI ac POTENTISSIMI,
AVGVSTI SECVNDI.

Poloniarum Regis Inuictissimi,
hac in Regia, Regni Sarmatici Metropoli,
fausto, cum applausu publico, expediti passu,
illius erudito Author calamo, manebit post fata superstes.
Sed quomodo videbit immensam vitæ lucem, in fatali occasu?
cum post Teuthonicos victos, Libycosq; triumphos,
exul limosâ, Marius caput abdidit vluâ.

Quomodo lege naturæ solutus,
iterum vitales spirare poterit auras?
Purpureus veluti, dum flos succisus aratro
Sic moriens euanescit, post funera sæua.
Attamen falleris nimium rabida diræ Lachesis cupido?
quia dignum laude Virum, Musa vetat mori.

Iamq; vanum depone furorem: nam vana sine viribus ira.
Hic post obitum, viuax erit in suis Discipulis Chiron,
Dignissimus primò Sacræ Theologiæ Professor,
post gemina exacti Cursûs Sacramentalis Olympia,
verior nunc à sepulchro, eiusdem Doctor.
Subtraxit quidem, fatis trahentibus vitam,
Et mortis vicina properantes admovit horas,
per æternitatem, non per horas ac momenta victurus?
Ergo vives, vlu mortalis abeunte vitæ,
in illa Regione vivorum,
quæ non operta atra caligine mortis,
omnibus semper, diem accendit spectatissimum.
Felix iam morbo, cuius Curatorem ac Medicum,
in Sacratissima SYNAXI, absconditum habuit CHRISTVM.

Nec ipsa infelicior morte,
Qui inter octiduanæ solennia festiuitatis,
VISITATIONIS BEATISSIMÆ
dicato Eius Nomini Die,
festinanter abiit in Montana Cælestia cum MARIA.
O mors talis, morsq; suavis, nulli mortalium grauis,
ipsi vitæ præponenda, ab omnibus expetenda.

Quare frustra magnum sub imo corde premis gemitum,
lachrymasq; effundis inanes

Charissimi post obitum Filij, Mæstissima Parens,
ignorasne Summorum vitam Virorum, immortalem esse?

Et sanè:

hac vera est vita, qua rectè factorum gloria, & non corpore continetur.

Vivere, plantis etiam commune virentibus,

ast benè vivere, vero proprium homini.

semper enim degit, qui rectè in vita egit.

Exinde singulare animi afflictæ solamen,

ac præconcepti lenimen doloris,

Tibi exoritur, dimidium animæ viuentis,

Eruditorum in Orbe Literario Virorum præsens Tutela,

Magnifice, Perillustres, & Reverendissime Domine,

D.M. SEBASTIANE PISKORSKI,

I. V. Doctor & Professor, Ecclesiarum, Cathedralis Cracoviensis

Collegiæ Vielunensis CANONICE, SS. Omnium ARCHIDIACONE,

Scholarum Novodvorscianarum PROVISOR, Studij Almæ Universitatis

Cracoviæ: PROCANCELLARIE, Generalis ac Vigilantissime RECTOR.

aspiciens mortalem, nihil mortale in vita gessisse,

Quia tamen fato Sapientum inexorabili

eo altius indoles, quo maiori anxietate, ut benè sit

Reipublicæ Literariæ, evigilas.

Pro tanti vice beneficii in pie defunctum,

Vices omnis felicitatis, ac longissimæ vitæ,

DEUS T. OPT. MAXIMUS rependat.

Fatalis hic Viri Sapientis occasus, dolorq; acerbus

lancinat & cordis præcordia vestri,

extremi pietatis obsequij Præstitites.

Perillustres, Clarissimi, & Admodum Reverendi Domini,

DD. EXECUTORES,

ast tanto occurrit dolori, cum medicamine dulci,

dulcis recordatio viuentis, in amico pectore, post fata superstes.

Quibus ex vrba sepulchrali, ista depromit vota,

ut Nestoreis in hac vita annis beati,

excellis in Regno sapientiæ fulgeatis honoribus.

Et dum corpori exanimi dant fata recessum, tempusq; humandi;

accedunt mæsti Clientes, Contubernij Gelanij Alumni ad sepulchrale marmor,

ultimumq; pensant Vale, pro innumeris beneficijs

Indulgentissimo Patri ac Provisori,

æternam in pace beata præcantes Requiem,

Quem Tu JESU Bone,

DOCTORVM junge **CORONÆ.**

Permissu Magnifici Domini RECTORIS.



x. x. 2. 57



